



59550

kat.komp.

III Mag. St. Dr.

Wosinski Stanislaw: Solea Equitum Sarmatici. i. e.  
Conclusiones et Corollaria physica Arist.  
belicae et Thomisticae doctrinae compa-  
rati.



161.

E

St

C

S

I

S

St

E

A

S



S O L E A  
EQVITIS SARMATICI,

Cruce, Alite, & aureo exornata annulo.

7 N

Stagyriteo Cursus Philosophici VLADISLAVIANI Stadio  
Excussit

Conclusiones, & Corollaria Physica, Aristote-  
licæ, & Thomisticæ doctrinæ conformia.

Q V Æ

SVB FELICISSIMO OMINE, ET NOMINE  
ILLVSTRISSIMI, AC MAGNIFICI DNI,  
D. IOANNIS CASIMIRI

DE KRASNE CORVINI,

K R A S I N S K I,

SVPREMI REGNI POLONIÆ THESAURARII,  
Insensis, Prasnicensis, Suecensis, &c. &c. GVBERNATORIS.

Publicæ luci, & trutinæ exhibuit

STANISLAVS WOSINSKI, *Artium Liberalium, & Philosophiæ in Almâ Vniuer-  
sitate Cracouiensi Baccalaureus.*

Sub Præsidio,



Excellen: & Adm: Rndi M. SIMONIS STANISLAI MAKOWSKI,  
Collegæ Maioris, CANONICI ad S. ANNAM, Concionato-  
ris in Ecclesiâ Cathedrali CRACOVIENSI, Regij Cursus  
Vladislauiani Professoris, ac interea Facultatis Philo-  
sophicæ D E C A N I.

Anno à Natâ Sapientiâ 1663. Die 18. Mense Nouembr. Horâ 1. pomeridianâ.

In Peraugusto DD. Theologorum Lectorio.

C R A C O V I Æ,

572. Apud SCHEDELIOS, S. R. M. Typographos.





59550  
 Quàm benè conueniunt, & in vnâ sede nirescunt,  
 Et SOLEA, & Sacra CRUX, consociata sibi:  
 Hæc tamen ornat AVIS, quæ fuluum portat in ore  
 ANELLVM, clarum Nobilitatis opus.  
 KRASINIANA Domus, SOLEATOS Martis alumnos  
 Edit, & insignes integritate VIROS:  
 Eius Fama, velut volucris circumuolat orbem,  
 Prædicat eximium laudis ubiq; decus:  
 ANNVLVS æternos virtuti spondet honores,  
 Aureus, auriferos signat in orbe dies.



A D I L L V S T R I S S I M V M  
 A C  
 M A G N I F I C V M D O M I N V M,  
 D. I O A N N E M C A S I M I R V M  
 D E K R A S N E C O R V I N V M,  
 K R A S I N S K I,  
 S V P R E M V M R E G N I P O L O N I Æ T H E S A V R A R I V M,  
 Łomsem, Prasnicensem, Suecensem, &c. G V B E R N A T O R E M,  
 Dominum, & Patronum longè Amplissimum.



NON mihi multum laborandum, aut cogitandum venit, quem  
 mea praesens Quaestio ex penetralibus Philosophiae Naturalis  
 Aristotelica deprompta adiutus, sibi assumat Patronum, & De-  
 fensorem ILLVSTRISIME DOMINE. Ipsa enim clarissi-  
 ma peruetusta Familia Tua insignia, cum audioribus conspe-  
 xissem luminibus, protinus ex ijs indubitata felicitatis meae  
 collegi indicia, & perspexi, sic esse honorum irradiata splendo-  
 ribus, ut nihil amplius è terris addi illis posse videatur. Ne  
 tamen meus tantà decorum multitudine obrutus quiescat ani-  
 mus, & ab incipit auocetur cursu libuit Tuam Gentilitiam SOLEAM, Sacram CRV-  
 CEM, & volucrem Apollini consecratam, & annulatam, tanquam auspiciatissima qua-  
 dum signa intueri. Illa inquam SOLEA est, quae salutarem visibus Sacerdotum Phoebi  
 elicuit fontem, limpidissimam Hippocrenen, de qua (ut artifex fabularum Antiquitas  
 praeclat posteris,) si quispiam non hauserat, is nequitiam altissimum scientiarum fa-  
 stigium conscendere posse credebatur. Arguta haec, & acuta Poëtarum inuenta, Tuae  
 praecludent ILLVSTRI SOLEAE, quae ad amplissimos in stadio gloriae cursus conscien-  
 dos ita conducit, ut nemo Bellatorum supremum honoris apicem valeat attingere, nisi  
 prius fortiter utatur SOLEAE adiumento. Non hic recensio Illustrissimos Heroes,  
 qui suae Gentilis SOLEAE ambitu, tot praeclara laudum, & virtutum incluserunt orna-  
 menta: non adduco Nobilissimi Generis Tui viros altà mente praeditos, quorum SO-  
 LEA elidendis hostium cervicibus formidabilis erat, dum arduam muneris ducalis in-  
 exercitu prouinciam sustinebant. Habuit SOLEA KRASINSKIANA Generalissi-  
 mos Duces, Marechalcos, Cancellarios, Vicegerentes Principatum, Episcopos, ProCan-  
 cellarios, Castellanos, Palatinos, Succamerarios, aliosq; innumeros sago, togasq; clarissi-  
 mos Patriae Cives. Tu ILLVSTRISIME DOMINE expressisti, vel dicam verius,  
 superasti Maiores Tuos, dum non indigna Virtutum Tuarum specimina, spectante Sac.  
 Reg. Maest. praeuisti. A primo statim aetatis flore feliciter progressus es, quando in  
 stadio gloriae ad insignes cursus Gentilitiam Tuam SOLEAM acuisi, quando Gratys,  
 & Musis mansuetioribus generosam indolem, ad excelsa natam consecrasti, & ad ac-  
 quirendos scientiae fructus, bonis ausibus exoticas peragrasti regiones. Spectauit Batavia  
 tuos praeclara mentis conatus, depraedauit Anglia magnanimitatem, opulenta Gallia,  
 mirata est heroicis ausus, stupuit Italia decentem ex omni parte modestiam, Germa-  
 nia suspexit pectus verè Martium tandem Polonia, ut Mater carissimum Filium, in su-  
 um recepit gremium, & honoribus cumulauit. Perspexit Serenissimus, ac Potentissimus  
 JOANNES CASIMIRVS REX Poloniarum, tuam in consilijs dandis grauitatem:



vidit admirabilem in agendo dexteritatem, iudicium perspicax, prudentiam maturam, & ad publica Reipub: munia sustinenda promptitudinem, atq; Illustrissimam Dominationem Tuam totius Regni **THESAURARIUM** constituit. Munus hoc honorificum, sed onerosum; quamvis summas difficultates, & ingentes secum trahat, curis, dum omnibus satisfaciendum est, omnibus providendum, ne quid detrimenti Respublica patiatur, prudenter, & gloriose administras. Quid enim Thesaurarius est, quam quidam promus & condus Thesauri Regis, & Regni, (quæ sunt Corona, Pomum, Sceptrum, & Gladius,) Regalium moderator, reddituum, privilegiorum Regni Custos, omnium thesaurorum conservator, quasorum publicorum; curatorum, & dispensatorum Regis administrator; rationum Praefectus, stipendiorum militarium, & aulicorum elargitor. Quod quidem officium Tua singulari prudentia, fidei, & potestati creditum, atq; commissum, ita feliciter disponis, ut amplitudini Regni, vitæ, incolumitati, & libertati omnium nihil deesse videatur. Ardentissimum verò zelum tuum in Ecclesiam, & pietatem in Superos quis non probabit? quam Sacra Illustrissima Domus, **CRUX** exprimit copiose. Sicut enim **CONSTANTINO** Imperatori caelo missa **CRUX**, tanquam quoddam Ancyle, formidabilis erat **Maxentio** certanti de summâ rerum cum eodem: ita **Natiua** Tua **CRUX**, diuersos Ecclesia, & Patria hostes, multoties debellauit, & triumphauit, quoties suis inseruit labaris lemma hoc: **IN HOC SIGNO VINCES**. Manifestum satis, & expressum exhibuisti pietatis auita in **DEVM**, & fidelitatis in Principem argumentum **ILLVSTRISIME DOMINE**, eo potissimum tempore, quo subdolus **Suecus** inuaserat **Poloniam**; sedisragus **Moschus** **Lithuaniam**, rebellis **Cosacus** latè patentes **Roxolania** terras ferro, & flammâ vastauerat, & **Transylvanus** cupidus Regni **Polonia** cum **Hungaro**, suppetias ferendo crudeliter grassatus fuerat. Maluisti amplissimas deserere possessiones, omnibus spoliari facultatibus, acerrimos sauiantis fortuna ictus generoso animo sustinere, vnâ cum veris, & candidis Patria Cinibus, quam fidem **DEO**, **REGI**, & **Reipublica**, sacram, vel leuissimo contaminare iuramento. Enitescit insuper in Tuâ **Natiuâ** sede honoris, sacra, & fida **Apollini** volucris, quæ non tantum in vertice **Stemmat**is, sed etiam in meditullio deferret annulum, ut ostendit **KRASINSCIOS** supremos, & medios in Republicâ honores obtinuisse, & pro Libertate, ac Nobilitate (quorum Symbolum est Annulus,) semper decertasse. Sacra **Phæbo** volucris est, quæ røre caelesti pascit pullos suos: ita **KRASINSII** multiplici præditi scientiâ, saluberrimis suis consilijs, & munificentia sua subiectos iurisdictioni populos reficiunt. Hæc ergo in vertice **LAGELLONEI** **Parnasi** conspexi **ILLVSTRISIMÆ FAMILIÆ TŶÆ** exorientia insignia, quorum beneficio recreatus aspectu, inde statim felicitatis meæ sumpsi argumenta. Quidquid autem in studio & stadio Philosophico colligere poteram, per atatem, & vires ingenij, id totum cum debitâ submissione, & obsequiorum meorum promptitudine Illustrissima Dominationi Tuæ defero. Fauebis procedenti in arenam **Stagyriticam**; Te enim, & non alium nactus sum **Agonothetem**, cui **Natura** & **Fortuna** benignior, conuasci voluit ea adiumenta, quibus erroneos aliorum cursus, ad exoptatam dirigeres metam. Viue diu felix Patria decus, **Reipublica** fulcrum, & **Familia** singulare ornamentum.

Illustrissimæ Dominationis Tuæ,

Cliens, & Seruus Humillimus,

STANISLAUS WOSINSKI,

Artium Liberalium, & Philosophiæ

in Almâ Acad. Cracou. Baccalaureus.

QVÆ-





# QVÆSTIO

EX

## PHILOSOPHIA

### NATVRALI.

**V.** Philosophia Naturalis, Ens mobile radicaliter sumptum, cuius principia sunt, Materia, Forma, & Priuatio; ex quibus totum substantiale compositione physicâ coalescit, à naturâ producibile, mediantibus causis secundis, tam per se, vt sunt Materialis, Formalis, Efficiens, Finalis; quàm per accidens, vt sunt Casus, Fortuna, & Fatum: quæ sine concursu causæ primæ nihil penitus operari possunt; concurrente tamen etiam interdum arte. Passiones verò Motus, Infinitum, Locus, Vacuū, Tēpus, Quātitas, siuè



Continuum, tam ex indiuisibilibus, quam ex partibus constans, & duratio rerum, tam successiuarum, quam permanentium, immò & ipsiusmet Vniuersi, cuius primaria pars est, Cælum cum planetis, & stellis, quod motum ab intelligentia, influit in hæc sublu- naria, rectè pro Obiecto adæquato consideret, necne?

## CONCLUSIO I.

Philosophia Naturalis est verè, & propriè Scientia specierum naturalium, eaq; nullo modo practica, sed purè speculatiua.

### COROLLARIA.

- I. Vnde res naturales in communi, verè, & propriè cadunt sub scientiam; in particulari verò spectatæ, non nisi secundariò, & reflexè.
- II. Iuxta Conclusiones verè, & propriè scitas, est vna specie atomâ.
- III. Licet sit vnus habitus scientificus secundum speciem infimam; habet tamen plures partes diuersæ rationis, correspondentes diuersis obiectis partialibus, ex quibus iste habitus totalis componitur.
- IV. At verò vt ambit principia, & conclusiones, opiniones, & demonstrationes, est multiplex secundum speciem.
- V. Non est propriè subalternata Metaphysicæ, neq; pars potentialis ipsius.

CON-



## CONCLUSIO II.

Obiectum adæquatum Philosophiæ Naturalis, non est corpus generabile, & corruptibile, neq; substantia naturalis, vt comprehendit etiam incorpoream, sed Ens mobile radicaliter sumptum.

### COROLLARIA.

- I. Vnde neq; materia prima, neq; forma, tam substantialis, quam accidentalis, neq; compositum accidentale, sunt per se species obiecti Philosophiæ Naturalis.
- II. Et licet naturalitas non distinguatur realiter à mobilitate, melius tamen obiectum Philosophiæ Naturalis exprimitur per mobilitatem; quam per naturalitatem.
- III. Ratio sub Qua obiecti Philosophiæ Naturalis, est abstractio ab omni materiâ sensibili particulari, non tamen communi.
- IV. Ratio autem formalis Quæ, est mobilitas, quæ significat ipsam radicem motus, & quietis.
- V. Non significat autem aggregatum quid ex ente, & motu, neq; ipsum motum, neq; propensionem ad illum.

## CONCLUSIO III.

Principia rerum naturalium sunt, quæ neq; fiunt ex alijs, neq; ex alterutris, sed ex ipsis omnibus.

### COROLLARIA.

- I. Hæc definitio conuenit tam principijs in facto esse, quam in fieri: tam phycis, quam metaphycis, immò & artificiatis.
- II. Eius definitum sunt principia Entis naturalis, vt abstrahunt à corruptibili, & incorruptibili.
- III. Principia rerum naturalium sunt tria in fieri, duo in facto esse; suntq; in fieri prima contraria, secus in facto esse.



- IV. Ratio principij de materia, forma, & priuatione, dicitur secundum analogiam attributionis; de quolibet autem principio seorsim sumpto, dicitur vniuocè.
- V. Physicus potest disputare contra negantes sua principia, illaq; probare; non tamen vt Physicus, sed vt Metaphysicus, aut Logicus.

## C O N C L U S I O IV.

Datur Materia prima in rebus naturalibus, quæ cum sit ens in potentia, beneficio formæ existit: estq; subiectum primum vniuscuiusq; ex quo aliquid fit per se, cum insit, & non secundum accidens, & si corrumpitur aliquid, in hoc abit vltimum.

### C O R O L L A R I A.

- I. Materia prima secundum se accepta, ita est pura potentia, vt nullum omnino includat actum, etiam entitatum.
- II. Et licet habeat propriam entitatem, condistinctam ab entitate formæ; non habet tamen vllam existentiam propriam.
- III. Sed omnem existentiam habet à forma, in genere causæ formalis, in genere verò causæ efficientis, ab agente educente formam de potentia illius.
- IV. Tàm naturaliter, quàm de potentiâ absolutâ, implicat materiam primam existere sine omni forma substantiali, & ideò cum sola accidentali forma illam existere repugnat.
- V. Forma corporeitatis in materia prima excogitata, est merum figmentum.

## C O N C L U S I O V.

Materia prima per seipsam, est principium  
proxi-



proximum, & immediatum receptiuum, aut sustentatiuum quarumuis formarum.

### C O R O L L A R I A.

- I. Vnde habet appetitum innatum ad formam, eumq; duplicem, videlicet desiderij, & complacentiæ.
- II. Et iste appetitus est materiæ intrinsecus, neq; distinguitur ab illâ realiter, si accipitur pro entitate absoluta.
- III. Si tamen accipitur pro priuatione, quam connotat, aut pro relatione ad formas, tunc realiter à materiâ distinguitur.
- IV. Materia horum inferiorum, non est in potentia absolute ad omnes formas recipiendas, sed ex se ordinatur ad formas determinatas, & in particulari.
- V. Vt tamen sit in actu primo, proxima, & completa potentia ad formam particularem recipiendam, indiget accidentibus, seu dispositionibus particularibus.

### C O N C L U S I O VI.

Materia prima secundum se præcisè considerata, nullam habet vnitatem specificam positivè sumptam, estq; ingenerabilis, & incorruptibilis.

### C O R O L L A R I A.

- I. Est tamen vna in omnibus sublunaribus, vnitatem specificam negativè.
- II. Specificatio autem positiua, quam materia habet à forma, si materia consideretur, ut est proximè capax existendi, est illi intrinseca, & essentialis.
- III. Materia prima generatur, & corrumpitur per accidens, hoc est, ratione priuationis, & formæ.
- IV. Iste ortus, & interitus materiæ primæ, nihil aliud est, quàm manifestatio, & occultatio naturæ ipsius.
- V. Licet tam materia, quàm forma, sint principia intrin-



seca corruptionis; tamen materia est omninò primum,  
& radicale principium eiusdem.

## CONCLUSIO VII.

Priuatio propriè sumpta, est per se principium rerum naturalium; non tamen priuatio formæ corruptæ, aut corrumpendæ, sed introducendæ.

### COROLLARIA.

- I. Priuatio est carentia formæ specificæ indiuiduatæ, in subiecto apto.
- II. Priuatio non est quid reale, neq; importat vllam realitatem, aut formalitatem, sed habetur per non esse formæ.
- III. Priuatio formaliter sumpta, est ens rationis, secundùm id tamen, quod denotat in obliquo, est ens reale, & positivum quid.
- IV. Priuatio tam à formâ generandâ, quàm à materia distinguitur realiter, saltem negatiuè.
- V. Priuationes in quolibet subiecto, sunt planè infinitæ.

## CONCLUSIO VIII.

Dantur de facto formæ substantiales in rerum natura, eductæ de potentia materiæ, quarum essentia consistit in hoc, quod sint actus primi materiæ primæ.

### COROLLARIA.

- I. Licet forma substantialis, sit actus simplex simplicitate compositionis, tam ex materia, & forma, quàm ex genere, & differentia; est tamen composita ex essentiâ, & existentia.
- II. Solæ formæ materiales rerum generabilium, educuntur de potentia materiæ; Anima verò rationalis, à solo DEO creatur.



- III. Cæterùm formæ cœlestes, & elementares, in prima sui productione, non sunt eductæ de potentia materiæ, sed ad creationem totius concreatæ.
- IV. Formæ accidentales, connaturales suis subiectis, quæ ab eorum essentia dimanant, & simul sunt cum illis in eodem instanti, non educuntur de potentia subiecti propriè, sed potiùs coëducuntur.
- V. At verò formæ accidentales, tam naturales, quàm supernaturales, quæ non habent necessariam connexionem cum subiecto, educuntur de potentiâ subiecti.

### CONCLUSIO IX.

Formæ substantiales ante generationem, non præexistunt actu in materia, secundùm se totæ, neq; secundùm aliquas sui partes.

#### COROLLARIA

- I. Plures formæ substantiales, non possunt simul, & semel, etiam diuinitùs informare eandem numero materiam.
- II. Neq; vna forma substantialis, tam simul, quàm successiue, plures numero materias totales.
- III. Omnes formæ materiales, sunt diuisibiles, tam in partes integrales, & entitatuas per se, quàm in quantitatiuas per accidens.
- IV. Non generantur, neq; corrumpuntur per se, seu tanquàm termini Qui, sed per accidens, hoc est, ratione compositi.
- V. Vnde forma substantialis, non est tota quidditas entis naturalis, sed forma totalis, quæ magis oritur à forma substantiali, quàm à materia.

### CONCLUSIO X.

Totum substantiale compositum intrinsecè componitur ex materia, & forma, tanquam ex duabus partibus intrinsecis, & essentialibus, & ideo fit ex illis vnum per se.



### C O R O L L A R I A.

- I. Vnio actualis formæ, cum materia, & vicissim materiæ, cum forma, non est vlla entitas realis, aut modalis.
- II. Vnio formaliter sumpta, est intima præsentia formæ, materiæ vltimò dispositæ, tanquam actus suæ potentia.
- III. Et ideò materia & forma, seipsis immediatè uniuntur sibi, absq; vlla intermediâ entitate.
- IV. Totum compositum non distinguitur realiter à suis partibus unitis, & simul sumptis, sed solùm ratione ratiocinatâ.
- V. A qualibet tamen parte seorsim sumptâ, distinguitur realiter inadæquatè, tanquam includens ab inclusio.

### C O N C L U S I O XI.

Natura est principium, & causa motus, & quietis, eius in quo est, & non secundùm accidens: quæ definitio est essentialis.

### C O R O L L A R I A.

- I. Materia, & Forma substantialis, etiam Anima rationalis, sunt veræ naturæ; secùs compositum, seu forma totalis.
- II. Ad hoc, vt forma sit natura, sufficit quòd sit principium motus passiuum.
- III. Ratio naturæ, solùm analogicè dicitur de materia, & forma.
- IV. Natura vt abstrahit tam à passiuo, quàm ab actiuo principio motus, & quietis, est indemonstrabilis.
- V. Similiter vt est principium passiuum; secùs vt est principium actiuum, aut specificatiuè sumpta.

### C O N C L U S I O XII.

Ars, quæ solùm efficit in subiecto figuram artificiosam, distinguitur à Natura.



### C O R O L L A R I A.

- I. Ars non causet physicè, propriè loquendo, sua opera, sed tantùm directiue.
- II. Perfecta viuentia, vt homo, bos, leo, per artem produci non possunt.
- III. Potest tamen ars concurrere immediatè, ad producendas aliquas substantias imperfectas, tam viuentes, vt sunt; ranæ, mures, vermes, quàm inanimatas.
- IV. Sanitas, & iuuenilis vigor, possunt reparari per artem medicam.
- V. Licet possibile sit, verum aurum per artem Chemicam posse produci; probabiliùs tamen oppositum, & doctrinæ S. THOMÆ magis conforme.

### C O N C L U S I O XIII.

In omnibus rebus Naturalibus, causæ necessario admitti debent, quæ sunt quatuor, Materialis, Formalis, Efficiens, & Finalis.

### C O R O L L A R I A.

- I. Causa in actu secundo est id, ad cuius esse, sequitur aliud; at verò in actu primo, est principium alicuius per modum influxus, ex quo natum est aliquid consequi, secundùm dependentiam in esse.
- II. Pater æternus licet sit principium Filij, non est tamen causa, neq; Filius, est effectus Patris.
- III. Similiter persona Verbi, non est causa humanitatis assumptæ.
- IV. Causa in actu primo considerata, est prior suo effectui, prioritate reali in quo, quæ essentialiter respicit omnes effectus posibles in particulari.
- V. Et ideò, si vel vnus effectus in particulari esset impossibilis, etiam ipsa causa foret impossibilis. Vnde & DEVM impossibilem asserimus, si vel vna creatura redderetur impossibilis.



## CONCLUSIO XIV.

Materia prima, est vera causa, habetq; vim ad causandum, non per aliquid sibi superadditum, sed per nudam, & puram entitatem suam substantialem.

### COROLLARIA.

- I. Eius causalitas in fieri in eo consistit, quod sit subiectum generationis; in facto autem esse, adæquatè consistit in concursu passivo ad productionem formæ, in receptione, ac limitatione eiusdem, & in constitutione compositi.
- II. Tres istæ rationes assignatæ pro causalitate materiæ in facto esse, solum formaliter, aut virtualiter distinguuntur.
- III. Forma per hoc præcisè limitatur à materia, quod illi actu uniatur.
- IV. Materia prima respectu compositi, est vera, & intrinseca causa.
- V. Respectu autem formæ licet sit vera causa; non tamen intrinseca, propriè loquendo.

## CONCLUSIO XV.

Causalitas formæ consistit in his tribus, in informatione materiæ, in limitatione eiusdem, & in constitutione compositi.

### COROLLARIA.

- I. Tres istæ rationes constituunt vnā adæquatam causalitatem formæ.
- II. Causa formalis rectè definitur ab Aristotele: est ratio ipsius quodquid erat esse.
- III. Formæ substantiales expellunt se ab eodem subiecto, expulsionē formali impropriā.
- IV. Formæ verò accidentales expellunt se formaliter propriè.

V. For-



- V. Forma suas passiones *physicas* non causat in genere causæ formalis, sed in genere causæ efficientis.

## CONCLUSIO XVI.

Causa efficiens (quæ est id, vnde primò incipit motus) diuiditur in causam per se, & per accidens: hæc, in principalem, & instrumentalem: principalis, in primam & secundam: vniuersalem & particularem: vniuocam & æqui-uocam: totalem & partialem: liberam & necessariam: essentialiter, & accidentaliter subordinatam.

### COROLLARIA.

- I. Causalitas causæ efficientis, non consistit in actione, vt formaliter dicit relationem, neq; vt importat quandam dependentiam, sed in ipso agere.
- II. Causa principalis per accidentia recepta in passo, producit substantiam. Vnde, quando absente causa principali vniuocâ, generatur effectus, v. g. culex ex putri materia, tunc causa principalis illius, est causa vniuoca, indeterminata, præexistens saltem possibiliter.
- III. Licet substantia, sit causa principalis substantiæ, non tamen illam attingit immediatè, sed per accidentia, tanquàm per virtutes suas actiuas.
- IV. Et ideò forma substantialis, est primum, & radicale principium causæ efficientis, seu productionis substantialis, non tamen immediatum.
- V. Accidentia verò, non possunt esse causæ principales substantiarum, licet ab illis in virtute substantiæ, causetur efficienter substantia, & non solùm dispositiuè; secùs respectu aliorum accidentium sibi similium.

## CONCLUSIO XVII.

Causæ creatæ naturales, habent determinatam



tam sphæram suæ actiuitatis, vltra quam agere non possunt: quæ sphæra actiuitatis, est intrinsecè determinata per maximum, Quod sic.

#### C O R O L L A R I A.

- I. Hæc sphæra actiuitatis, est maior in agentibus operantibus sine resistentiâ, quàm in illis, quæ cum resistentia contrarij agunt.
- II. Causa, seu agens creatum, non potest naturaliter agere in distans, non agendo per commune medium.
- III. Agens naturale, in nulla parte sphæræ suæ actiuitatis, potest producere tantam intensiorem, quantam in se habet.
- IV. Si agat per diffusionem suæ virtutis, satis est, vt passum attingat contactu virtuali.
- V. Quod si agat per virtutem in se existentem, & non diffusibilem per medium, tunc debet immediatè attingere passum, immediatione suppositi.

#### C O N C L U S I O XVIII.

Causa prima concurrit actu, & immediatè ad omnes effectus causarum secundarum: & ideò nullum agens creatum, potest actu operari, sine actuali concursu causæ primæ.

#### C O R O L L A R I A.

- I. Immediatus iste concursus causæ primæ, nihil est aliud, quàm ipsamet actio causæ secundæ.
- II. Vnde simultaneus iste concursus causæ primæ, habet se ad actionem creaturæ, sicut se habet concursus habituum supernaturalium, ad voluntatem humanam.
- III. Licet Deus immediatè concurrat ad omnes effectus causarum secundarum, immediatione suppositi, tamen causæ secundæ naturales verè agunt, & suos effectus producant.

IV. Stan-



IV. Stando etiam in principijs Aristotelis, omnes causæ secundæ, tam liberæ, quam necessariæ, prædeterminantur physicè à Deo ad agendum.

V. Concurfus Dei præuius, non est assistentia Dei extrinseca, neq; motio moralis, sed est vera, & realis causalitas, immissa & relictæ in causa secunda, quam mouet.

## CONCLUSIO XIX.

Causa instrumentalis propriè loquendo, est illa, quæ agit, vt mota à principali causa.

### COROLLARIA.

I. De ratione instrumenti est, agere vt motum à principali causa, & habere virtutem, & actionem præuiam actioni principalis agentis.

II. Non est tamen de ratione eius, quòd eleuetur à principali agente, semper accipiendo ab illo, nouam aliquam virtutem sibi superadditam.

III. Licet virtus, & actio propria instrumenti, sit præuia actioni principalis, non requiritur tamen, vt actione propriâ, physico actu attingat effectum principalis agentis.

IV. Hæc præuia actio instrumenti requiritur, tum vt in illâ actio principalis agentis modificetur ad producendum effectum: tum vt vis, & actio principalis agentis, per instrumentum deferatur ad effectum.

V. Non est tamen necesse, vt causa instrumentalis sit imperfectior suo effectui; sicut Humanitas Christi, non est imperfectior sanctitate, & aqua baptismalis, gratiâ.

## CONCLUSIO XX.

Causa Finalis est, cuius gratiâ agens operatur, estq; vera, & realis causa physica, diuisa in finem Cui, & Qui, seu, Cuius gratia: quæ di-



uisio solùm est in duas rationes, vnum totalem finem, componentes.

### COROLLARIA.

- I. Ratio formalis constitutiua finis, est bonitas realis apprehensa: Vnde finis secundùm esse reale, finalizat, in statu tamen obiectiuo, ac intentionali.
- II. Eius causalitas, est motio metaphorica, quæ non consistit in sola ostensione bonitatis, nec est quid intentionale immissum, & impressum voluntati à fine, per ostensionem propriè bonitatis, sed est ipsamet actio voluntatis, prout est à fine.
- III. Effectus causæ finalis, sunt media formaliter, seu vtilia ad finem, propriè loquendo.
- IV. Actiones DEI immanentes, vt volitio, intellectio, non habent veram sui causam finalem; actiones tamen ad extra, vt creatio, conseruatio, verè propter finem, sunt.
- V. Licet in brutis detur æstimatiua, solùm tamen impropiè agunt propter finem; inanimata verò impropriissimè, & solùm vt substant directioni primi agentis.

### CONCLUSIO XXI.

Causa exemplaris in communi, est id, ad quod artifex inspiciens operatur; idea verò, est forma in mente existens, quam effectus imitatur ex intentione agentis, determinantis sibi finem.

### COROLLARIA.

- I. Exemplar, siue idea, cui agens intellectuale intendit assimilare suum opus, nihil est aliud, nisi conceptus obiectiuus, hoc est, res facienda, vt concepta, & repræsentata intellectui.
- II. Vnde idea, non est species intelligibilis, neq; actio intellectus.

III. In



- III. In omni agente intellectuali, (nisi forsan casu, & fortuito operetur,) etiam in ipso DEO dantur ideæ
- IV. Exemplar, siue idea, ad tria causarum genera reduci-  
tur, videlicet, ad efficientem, finalem, & formalem.
- V. Licet sit vera causa, eius tamen causalitas, non est for-  
malis, aut efficiens, sed formalis extrinseca.

## C O N C L U S I O XXII.

Dantur in rebus Naturalibus, causæ, & effe-  
ctus per accidens : vt sunt, Casus, Fortuna,  
Fatum, & Monstra.

### C O R O L L A R I A.

- I. Effectus fortuiti, & casuales, tam respectu Angelorum, quam cælorum influentium in hæc sublunaria dantur; non tamen respectu DEI.
- II. Fatum, est ordinatio diuina earum rerum, quæ sunt futuræ in tempore iuxta suas causas : proinde non est causa, sed aliquid causæ.
- III. Fatum includit aliquid absolutum, & aliquid relati-  
uum, formalissimum tamen illius est, relatio, & ordo.
- IV. Illa tantum subiiciuntur fato, quæ subduntur causis  
secundis, eueniuntq; necessariò, non necessitate abso-  
lutâ, sed necessitate infallibilitatis.
- V. Monstrum, est effectus naturalis, à rectâ & solitâ, secun-  
dum speciem dispositione degenerans, quod non inten-  
ditur per se primò à natura, sed secundariò.

## C O N C L U S I O XXIII.

Motus non se habet per modum subiecti  
Quo, ad actionem, & passionem physicè con-  
sideratas, sed tantum vt superius essentiale  
analogum.



### C O R O L L A R I A.

- I. Motus, est actus entis in potentia, prout in potentia, sub quâ definitione, solùm comprehenduntur mutationes illæ, quæ sunt actus rei imperfectæ.
- II. Motus quatenus se tenet ex parte actionis, est realiter distinctus à motu tenente se ex parte passionis.
- III. Actio tamen, & passio à motu sibi connexo, distinguuntur solùm ratione ratiocinatâ.
- IV. Motus localis subiectatur in mobili, tanquàm in proprio subiecto, distinguiturq; ab actione, & passione, & à suo termino ad Quem, realiter modaliter.
- V. Actio transiens non subiectatur in agente, sed in passo; distinguitur autem realiter à passione.

### C O N C L U S I O XXIV.

Infinitum rectè diuiditur, in actuale, & potentiale: & aliud est secundùm essentiam: aliud secundùm magnitudinem, & intensiorem: aliud secundùm numerum, seu multitudinem.

### C O R O L L A R I A.

- I. Infinitum est id, cuius secundùm quantitatem accipientibus, semper aliquid accipere extra est, & nunquam idem.
- II. Infinitum actu, non potest dari naturaliter in rebus creatis: immò, neq; de absolutâ potentiâ, infinitum creatum secundùm essentiam, magnitudinem, & intensiorem, dari potest.
- III. Et ideò DEVS, non potest aliquam creaturam facere ita perfectam, in quocunq; genere, vt iam perfectiorem producere nequeat.
- IV. Nihilominus possibilitatem infiniti actu in multitudine, æquè probabiliter sustinemus, ac eius oppositum.
- V. Si duo infinita, formaliter accipiantur, tunc vnum altero non potest esse maius; secus, si sumantur materialiter, v. g. secundùm multitudinem.

CON-



## CONCLUSIO XXV.

Locus, non est materia, nec forma, nec spatium inter concavam superficiem corporis continentis contentum, nec relatio continentis ad locatum, nec virtus conseruatiua rei locatæ, nec Vbi circumscriptiuum.

### COROLLARIA.

- I. Locus, est superficies vltima corporis continentis, qui si conferatur cum re locatâ, est superficies extrinseca; respectu verò corporis locantis, intrinseca.
- II. Locus intrinsecè includit immobilitatem, quæ est immutabilitas distantia, à partibus mundi fixis, siue realiter existentibus, siue possibilibus.
- III. Superficies respectu loci, habet se per modum subiecti, & materiæ; non verò per modum rationis genericæ. Hinc turris flante vento, permanet in eodem loco.
- IV. Locus naturalis super rationem loci vt sic, addit qualitatem conseruatiuam locati.
- V. Ad conseruanda tamen corpora mixta, vltra hanc qualitatem conseruatiuam, requiritur influentia cœlestis.

## CONCLUSIO XXVI.

Esse in loco aliquid, tripliciter contingit, primò circumscriptiuè, idq; vel in actu, vel in potentia: secundò definitiuè: tertio repletiuè.

### COROLLARIA.

- I. Esse in loco circumscriptiuè, omnibus, & solis corporibus competit, exceptâ primâ sphaerâ, quæ secundum se totam, non est actu in loco, sed tantum per accidens, & solum in potentia, ratione suarum partium.
- II. Deus est in omni loco reali repletiuè; Angelus verò est in loco simpliciter, sed definitiuè.



- III. Duo corpora quanta, virtute diuinâ possunt simul esse in eodem loco.
- IV. Vnum tamen corpus simul, & semel esse in pluribus locis circumscriptiuè, etiam diuinitûs repugnat; immò, & definitiuè.
- V. Cæterùm circumscriptiuè existens in vno loco, potest virtute diuinâ simul, & semel poni, in pluribus locis sacramentaliter.

## C O N C L U S I O XXVII.

Vacuum, neq; virtute rerum corporearum, neq; virtute Angelicâ dari potest, sed tantùm diuinâ.

### C O R O L L A R I A.

- I. Vacuum propriè dictum, est locus non repletus; aptus tamen repleri.
- II. Dato vacuo, corpus contiguum in eo positum, naturaliter moueri non posset.
- III. Supernaturaliter tamen esset in illo possibilis omnis motus, tam progressiuus, quàm elementaris, & proiettorum, sed non fieret in instanti, verùm successiuè.
- IV. Motus leuium deorsùm, & grauium sursùm, ad replendum vacuum, tam in ordine ad naturam vniuersalem; quàm ad alias causas superiores, est naturalis.
- V. Solùmq; in ordine ad naturam particularem ipsorum mobilium, est violentus, idq; non vt sunt partes vniuersi.

## C O N C L U S I O XXVIII.

Tempus, est verum Ens reale, rectè ab Aristotele definitum: quòd sit numerus motus, secundùm prius, & posterius.

### C O R O L L A R I A.

- I. Quatenus est numerus motus, secundùm prius & posterius,



rius, est essentialiter, & specificè vnum; materialiter ta-  
men, & numericè multiplex.

- II. At verò secundum rationem mensuræ certissimæ, & notissimæ, solùm est vnum.
- III. Tempore solus motus diuisibilis, & corporeus propriè mensuratur.
- IV. Tempus à motu, & quælibet duratio creata, à re durante realiter distinguitur.
- V. Vnde duratio creata rei permanentis, est aliquid superadditum illi, & extra eius essentiam, distinguiturq; realiter ab existentia rei.

## CONCLUSIO XXIX.

Tempus absolutè loquendo, non existit solùm ratione instantis, sed etiam ratione suarum partium.

### COROLLARIA.

- I. Tempus non existit ratione alicuius partis determinatæ, sed indeterminatæ: & ideò in tempore existente, solùm instans designari potest.
- II. Instans temporis discreti, realiter differt à tempore discreto; instans tamen intrinsecum, ab extrinseco solà ratione differt.
- III. Instans intrinsecum, in toto tempore solùm est vnicum; extrinsecum verò multiplex.
- IV. Vtrumq; hoc instans, nec est materia, nec forma, nec efficiens, nec finis temporis continui; instantia tamen temporis discreti, concurrunt in genere causæ materialis ex Qua, ad constitutionem illius.
- V. Differentiæ essentielles inter tempus, æternitatem, & æuum, desumuntur ex eo, quòd tempus sit mensura rei omninò mutabilis; æternitas rei omninò immutabilis; æuum partim mutabilis, partim immutabilis.

## CONCLUSIO XXX.

Ad hoc vt motus, genere, aut numero vnus,



per se terminetur ad aliquod prædicamentum, requiruntur termini positiui, inter se contrarij; habentes latitudinem successiuè percurrendam.

#### C O R O L L A R I A.

- I. Motus per se solùm datur ad Quantitatem, Qualitatem, & Vbi; ad Substantiam verò licet detur per se mutatio, motus per se dari non potest.
- II. Vnitas generica motus, desumitur ex vnitate prædicamenti, ad quod terminatur; Vnitas verò specifica, à termino Ad Quem, formaliter sumpto: nihilo minùs ad hanc vnitatem requiritur, etiam vnitas medij, seu viæ formaliter sumptæ.
- III. Ad vnitatem numericam motus, requiritur vnitas numerica mobilis, termini Ad Quem, & temporis.
- IV. Contrarietas motuum principaliter, & vltimatè desumitur solùm ex contrarietate terminorum Ad Quos; à termino autem A Quo, non nisi materialiter, & consecutiue.
- V. Hinc vnum idemq; mobile, non potest simul, & per se moueri duobus motibus contrarijs, non solùm in gradibus intensis, sed etiam remissis naturaliter.

#### C O N C L V S I O XXXI.

Continuum non est omninò simplex, sed compositum, tam ex indiuisibilibus; quàm ex suis partibus, per indiuisibilia terminatis.

#### C O R O L L A R I A.

- I. Indiuisibilia, alia sunt continuatiua, quæ dicuntur quasi termini communes, quibus copulantur partes diuisibiles: alia terminatiua; quæ ita rem quantam terminant, vt non sit diuisibilis vltèrius, & ideo vocantur extrema rei Quantæ.

II. Vtraq;



- II. Vtraq; hæc' indiuisibilia, tam continuatiua, quàm terminatiua, dantur actu in continuo, distinguunturq; realiter, & à substantiâ, & à continuo.
- III. Dantur verè in continuo partes actu, realiter inter se distinctæ, habentq; veram, & formalem rationem partium.
- IV. Partes aliquotæ in continuo, sunt actu finitæ, similiter proportionales in ratione Entis spectatæ.
- V. Si tamen partes proportionales, accipiantur in ratione partium, tunc sunt infinitæ actu.

## C O N C L U S I O XXXII.

Res quæ possunt incipere, & desinere, aut intrinsecè, aut extrinsecè, aliæ sunt successiuæ, aliæ permanentes: aliæ substantiæ, aliæ accidentia: aliæ incipiunt, & desinunt cum motu, & per motum; aliæ sine motu.

### C O R O L L A R I A.

- I. Res successiuæ, vt motus, & tempus, incipiunt extrinsecè, per vltimum non esse, & desinunt etiam extrinsecè, per primum sui non esse.
- II. Qualitates materiales in fieri, incipiunt, & desinunt extrinsecè; in facto autem esse, intrinsecè. At verò formæ substantiales incipiunt intrinsecè, & desinunt extrinsecè.
- III. Res permanentes incipiunt, & desinunt intrinsecè: & licet postulent totæ simul produci, possunt tamen diuinitus produci successiuè, proinde incipere extrinsecè, per vltimum sui non esse, & desinere per primum non esse.
- IV. Substantiæ generabiles, quæ generantur ad corruptionem aliarum, incipiunt in instanti, & intrinsecè; substantiæ verò corruptibiles, tam viuentes, quàm non viuentes, connaturaliter desinunt, per primum non esse, proinde in instanti ipsis extrinsecò.
- V. In rebus Naturalibus, tam viuentibus, quàm non viuentibus,



tibus, datur maximum quod sic, & minimum quod non, hoc est, certus terminus magnitudinis, & paruitatis.

### CONCLUSIO XXXIII.

Impossibile est, vnum idemq; siue sit diuisibile, siue indiuisibile, esse simul mouens, & motum respectu eiusdem.

#### COROLLARIA.

- I. Et ideo omne quod mouetur, ab alio realiter distincto mouetur.
- II. Indiuisibile, quod nullum habet situm, aut positionem in continuo, vt Angelus, & Anima rationalis, mouentur per se motu secundum locum.
- III. Indiuisibile verò, quod habet situm in continuo, vt punctum in linea, non potest per se moueri vlllo motu propriè dicto.
- IV. Si tamen DEVS per absolutam potentiam, separaret indiuisibile à continuo, v. g. punctum à linea, tunc licet non posset moueri per se motu continuo; posset tamen motu discreto.
- V. Cæterum, indiuisibile tam habens situm in continuo, quam non habens, potest moueri per accidens, v. g. punctum ad motum lineæ, & Anima rationalis ad motum hominis.

### CONCLUSIO XXXIV.

Mundus, (quem Aristoteles verè agnouit esse factum) non est animatus, estq; vnicus tantum numero, licet secundum rei veritatem, ex mente Aristotelis possibiles sint plures.

#### COROLLARIA.

- I. Mundus in tempore productus est; potuit tamen ab æterno produci, tam quoad Entia permanentia; quam quoad successiua.

II. Is



II. Is vniuersim, & quoad omnes collectim partes spectatus, est perfectus eâ perfectione, quæ opponitur imperfectioni priuatiuæ; at verò distributim, quoad singulas partes sumptus, est perfectus essentialiter, licet non accidentaliter.

III. Mundus in eo statu, in quo nunc est, de facto non est duraturus in æternum; durabit tamen post diem iudicii in perpetuum, quoad cælos, & elementa, sed sub alio statu perfectiori.

IV. Primi Parentes nostri, conditi sunt cum perfectâ scientiâ rerum omnium naturalium: Sed Adamo vltra hoc, per accidens intusa fuit scientia supernaturalis, quâ cognouit Mysterium SS. TRINITATIS, & Incarnationis; non tamen Redemptionis.

V. Ex motu, qui in mundo fit, rectè per demonstrationem à posteriori, colligitur dari primum motorem, accipiendo mouens, & mobile per se.

## CONCLUSIO XXXV.

Coelum, non est vllum ex quatuor elementis, sed est corpus mobile, simplex simplicitate mixtionis; compositum tamen ex Materiâ, & Formâ.

### COROLLARIA.

I. Materia cœlestis, à materia sublunari specie differt; cœli verò à sublunaribus genere differunt.

II. Cœli ab intrinseco, sunt ingenerabiles, & incorruptibiles; ab extrinseco tamen deficere possunt.

III. Suntq; numero mobiles decem, vndecimum immobile, animati dici non possunt, nisi improprie.

IV. Simpliciter sunt nobiliores inanimatis sublunaribus; animatis verò tantum secundum Quid.

V. Quò superiores, eò nobiliores; hic tamen ordo nobilitatis inter astra non seruatur.



## CONCLUSIO XXXVI.

Planetæ sunt septem, Luna, Mercurius, Venus, Sol, Mars, Iupiter, Saturnus: tres primi minores terrâ, quatuor reliqui maiores eadem.

### COROLLARIA.

- I. Quodlibet cœlum Planetarum, non est vna simplex sphaera, sed composita ex excentricis, concentricis, & epicyclis.
- II. Planetæ non sunt partes cœlorum, sed distinguuntur specie, tum inter se, tum à cœlis, quibus insunt.
- III. Omnes planetæ, & cœli, habent aliquid natiui luminis; maximam tamen eius partem à sole mutuuntur.
- IV. Maculæ, quæ apparent in lunâ, sunt partes rariores corporis lunaris, permittentes solis radios ulterius transire.
- V. Partes lunæ maculosæ, non habent tantam raritatem, quantam aliæ cœlorum partes.

## CONCLUSIO XXXVII.

Stellæ, aliæ sunt fixæ, quæ non mouentur, nisi ad motum sui cœli, videnturq; scintillare; aliæ erraticæ, quæ proprium motum habent.

### COROLLARIA.

- I. Stellæ, tam fixæ, quàm erraticæ, in rei veritate non scintillant.
- II. Scintillatio, quæ apparet in stellis fixis, causatur ex nimia distantia earundem à terra, & à non ordinata specierum in formali organo, visus receptione.
- III. Numerus stellarum etiam minutarum, quæ clarè videri non possunt, soli Deo cognitus est: At verò stellæ omnes firmamenti visibiles, sunt 1022. quæ interdum non apparent, quia solem sibi propiorem habent.
- IV. Vnde stellæ, quæ in oriente scintillabant, vbi ad verticem cœli perueniunt, non scintillant.

V. Scin-



V. Scintillatio verò Planetarum, circa horizontem positorum, tunc accidit, quando vapores crassiores, à terra ascendentes, aërem opplent.

### CONCLUSIO XXXVIII.

Omnes cœli mobiles mouentur, quotidie motu raptus, supra polos, & axem mundi, spatio viginti quatuor horarum: qui motus non causatur effectiuè, à forma intrinsecâ, neq; à Deo immediatè, sed ab Intelligentijs.

#### COROLLARIA.

- I. Præter motum raptus, seu diurnum, conuenit cœlis motus proprius; motus verò circularis, est illis naturalis, solum ex parte principij passiui.
- II. Intelligentiæ mouentes cœlos, sunt Angeli secundæ Hierarchiæ, ex ordine virtutum, cuiuslibet verò orbi, etiam epicyclo adest specialis motor.
- III. Cessante motu cœli, non cessaret in his inferioribus actio illuminationis, & immutationis medijs à sensibilibus.
- IV. Cessarent tamen omnes motus sublunarium, & omnis actio transmutatiua materiæ, ad quam sequitur generatio, & corruptio.
- V. Nihilo minùs certum est, quia motus astrorum aliquando deficiet, & cœli in hoc statu, in quo nunc sunt, de facto non durabunt in æternum, sed in alio perfectiori.

### CONCLUSIO XXXIX.

Astra, & omnes cœli, ne quidem Empyreo excepto, verè, & physicè agunt in hæc sublunaria, idq; non solum per lumen, & motum, sed etiam per qualitates occultas.



## C O R O L L A R I A.


- I. Vnde ad productionem rerum sublunarium inanimatarum, concurrunt, & influunt cœli, vt causa principalis.
- II. Ad productionem verò viuentium quorumcunq; solùm vt instrumentum intelligentiæ motricis. Cæterùm in intellectu, & voluntatem humanam, non nisi per accidens, & indirectè.
- III. Homo influentijs cœlestibus, tantùm secundùm corpus subest, secundùm intellectum Angelis, secundùm voluntatem DEO.
- IV. Ex influentijs Astrorum, possunt Astrologi prædicere certò, & præuidere futuros euentus, qui ex solo motu, & ordine cœlorum pendent.
- V. Similiter possunt diuinare infantis temperamentum, & ex illo propensiones sensitiuas: licet talis diuinationo in praxi, non possit haberi pro certâ.



Sub Felicissimis Auspicijs,  
*Magnifici, Perillustri, & Admodum Rñdi Domini,*  
**D. ANDREÆ KVCHARSKI**  
 Sacræ Theologiæ Doctoris, & Professoris,  
 Ecclesiæ Cathedralis Cracouiensis CANONICI, Collegiatæ  
 Eccl: OMNIVM SANCTORVM PRÆPOSITI, Contubernij  
 Hierosolymitani PROVISORIS, & Studij Almæ  
 Vniuersitatis CRACOVIENSIS  
**GENERALIS RECTORIS**  
 VIGILANTISSIMI.



S,  
ataæ  
nij



Biblioteka Jagiellońska



